

巴陵縣志卷之十八

列女上 舊志原文

漢

胡甯妻趙氏甯早卒趙訓孤子灝以義方後寢疾灝拜濟陰令不赴會滎陽兵亂趙力疾起促灝之官疾亦旋愈 湖廣

通志

宋

韓氏女字希孟 襄陽賈瓊妻 或曰丞相琦之裔少明慧知讀書

開慶元年元兵至岳陽女年十有八為卒所掠將挾以獻其主將女知必不免竟赴水死越三日得其尸於練裙帶

巴陵縣志卷之十八 列女上

中有詩曰我質本瑚璉宗廟供蘋蘩一朝嬰禍難失身戎馬閒甯當血刃死不作衽席完漢上有王猛江南無謝安

長號赴洪流激烈摧心肝 宋史列女傳

徐君寶妻同韓氏女被執至杭州主者數欲犯之輒以計

脫主者強焉告曰俟祭先夫然後為君婦主者許諾乃焚香再拜題詞壁上投池中死詞曰漢上繁華江南人物尚

遺宣政風流綠窗朱戶十里爛銀鉤一旦刀兵齊舉旌旗擁百萬貔貅長驅入歌臺舞榭風捲落花愁清平三百載

典章文物掃地都休幸此身未北猶客南州破鏡徐郎何在空惆悵相見無由從今後斷魂千里夜夜岳陽樓 詞綜





朱春卿妻王氏敏慧孝慈學文知義理生一女病卒黃庭堅撰墓志

明

黎受三妻藍氏早歲夫亡無子依弟榮孀居五十年卒年七十四歲洪武初旌表見一統志

方可漣妻沈氏少寡子幼舅欲奪其志沈刺面守節教子成立有司請於朝旌之見一統志按方沈氏有二一為可漣之妻一為方隆之母

一統志與湖廣通志所載不同省志兩存之府志亦止載隆母是否係一人無從考核備載之以免湮沒

方志通妻易氏年二十守節撫一歲孤力貧養姑姑病禱以身代竟瘞奉養愈謹孀居四十餘年成化初旌表見一

巴陵縣志 卷之十八 列女上

二

統志

陳學明妻張氏年二十而寡無子或勸改節氏不可以夫兄子為後辛勤撫育孀居五十餘年成化間旌表見一統

志

李信妻徐氏衛籍年十七歸信生子英甫三歲信調征靖州沒於戍所氏年二十四清苦自勵孝養其姑葬祭如禮

宏治初旌表見一統志

柳大潛妻楊氏年二十六守節舅姑欲奪之誓死赴水而止撫三歲孤成立見省志

謝紀妻李氏性顓樸年二十四夫死痛哭屢絕遺腹生子



梅鞠育成立皓首一志宏治開旌表見一統志

按省志據一統志云

李氏遺腹生子府志云妾遺腹生子撫如己出時李氏年二十四似不應遽有妾茲從省志載之

王昇妻周氏衛籍年十八生一女昇以千戶出征沒於陣

氏守節以終宏治開旌表見一統志

朱宣妻陳氏衛籍宣任指揮使沒於陣氏年二十二守節

四十餘年宏治開旌表見一統志

方成德妻陳氏年二十三守節無子母欲奪而嫁之氏誓

死七日不食乃止年五十五卒見省志

文希道妻蕭氏年二十二守節嘉靖間知府陸瑛給粟帛

獎之見省志

按府志誤作華容人今從省志及湖廣通志改之

巴陵縣志

卷之十八

列女上

三

生員唐應治妻顏氏夫早卒氏年十九七日不食悲號泣

涕成血生孩三歲撫之以守壘遭舅姑之喪拮据營葬萬

厯三十九年題旌于世柱官戶部封太宜人見省志

按府志未

載顏氏封典及子官爵今從省志補之

唐一俊妻胡氏年十九夫死無子恐為人所奪遂翦髮自

誓立後苦守院司表異之見省志

方某妻沈氏少寡子隆年九歲舅姑欲令改適氏毀容誓

志撫子成立隆登萬厯己卯鄉薦詔建坊旌表見省志

項大模妻李氏年二十一適模甫六月模故遺腹生子應

昌銜哀鞠育遭寇亂攜孤匿山中辛苦百端教子成立明



季官常德衛指揮

姜振德妻劉氏闖賊陷城夫與姑俱被戮劉自縊一統志

庠生許春燕妻馮氏獻賊之亂氏被擄義不受辱撞石死

通志

都御史章曠妾陳氏邑人陳光國之女明末曠屯湘陰轉戰楚粵間令陳歸依其父且囑曰吾以身許國生死不保汝有可託命處可改適後曠殉難東安有武弁陶某聞其美蓄陳父欲娶之逼使登舟躍入水中死邑人黃秀有詩吊之云半壁東南力莫支孤城一死更何疑斑斑血淚凝叢竹好伴蒼梧帝女祠

國朝

丁德裕妻馮氏翁綬官桃源訓導氏歸官舍即得翁姑歡裕病侍湯藥常廢飲食逾年裕亡具殮畢入房一痛自盡姑覺入視而氏已僵矣郡守上其事題允 旌表

庠生許興文妻康氏夫婦俱為賊所執恐夫不免給賊曰釋吾夫願從汝賊釋其夫至曾家港遽躍水死後獲其尸葬於河岸虎形山興文誓不再娶致無嗣一統志

周開柏妻蔣氏年二十二夫死無子誓死同穴晝夜悲泣逾月而死族黨哀其志為之擇繼承祀

潘魯英繼妻陳氏年二十四夫亡晝夜哀號不絕越數月



積雪彌旬寒風刺骨陳適墓長跪痛哭竟日血淚交下日暮下山赴澗水死

魏烈婦梁氏魏君兩妻家極貧順治二年攜子挑野菜爲食爲亂兵所掠君兩追至西藪鋪求之不與梁曰君但虜其妻焉用其子君兩因得攜子還大慟而別梁仍言笑自若也至新牆乘閒躍水死三日尸浮水面如生君兩友某見之以告乃取而葬之

同治九年增

趙萬卷妻唐氏夫歿沒欲以身殉姑何氏守視甚密得免姑病坐臥扶持彌月不倦無子撫姪再詩爲嗣康熙五十九年旌表建坊見省志

巴陵縣志

卷之十八

列女上

五

生員許伯泰妻傅氏伯泰自長沙以母病急歸中途溺死氏年十九生孩六月撫之守節以終乾隆六年旌表建坊見省志

尹隆彩妻張氏年二十七隆彩沒誓欲殉死姑費氏委曲勸諭氏乃截髮納棺中矢志守節乾隆十三年題旌建坊見省志

陳如文妻熊氏年二十六夫亡誓以身殉姑諭之曰姑寡子幼汝死依誰遂截髮矢志奉姑撫子守節終身乾隆十二年題允建坊

汪世柱妻王氏世柱兄弟四長二先沒翁姑皆以憂鬱成



病氏于歸躬親湯藥不安寢席者數月後世柱亦逝氏年十九孤兒方七月氏決意從夫姑防之痛定乃割髮誓守未幾世柱弟復歿止存數月藐孤氏以大義勸翁娶妾楊氏晚生一子名楨翁死氏與楊青年苦節撫兩孤成立年三十六卒猶諄諄以做好人三字誨其子見省志

李瓊妻彭氏年十九適瓊瓊沒氏年二十三瓊兄弟及妯娌繼亡遺幼子一姪三家貧餽粥不繼誓不改操盡力撫姪凡製衣履先姪後子婚娶皆隻身經營姑病脫簪珥求醫藥姑沒率子姪躬親築墳以孝友教子姪五世猶未分爨遇疾病子姪求醫氏拒之不令入室云有命在天亦不

巴陵縣志

卷之十八

列女上

六

藥自愈見省志

李廷誨妻熊氏適李生子三錫而廷誨沒氏年甫十九伯氏欲奪之熊投環幾死有鄰婦喪其夫熊以守節勉之其婦亦以節終見省志乾隆二十年題允建坊

李泰然妻彭氏泰然多病彭謹事之年二十五泰然沒遺子仕清甫週歲剪髮自誓與姑同寢食不離左右仕清甲戌成進士官嘉定令見省志乾隆二十一年題允建坊

按項李氏以下舊志率多遺漏且有乾隆十二年以後者今悉考訪補入

袁天秩妻許氏年十九夫故誓死同穴姑防甚密矢志守貞奉養舅姑撫育幼子完節終身乾隆二十二年題允建



坊

丁全芳妾鍾氏

錢宛士妻李氏

胡乾一妻劉氏

馮騰漢妻陳氏

陳山岱妻黃氏

金三繡妻江氏

李湘峯妻董氏

劉君爵妻王氏

劉皇珍妻曹氏

按以上十氏皆乾隆二十年間人丙寅府志以未奉旌表亦未通詳未載事實今止有袁許氏舊案可查餘無從考核仍備錄姓氏以誌不朽

生員張定邦妻龍氏年二十四生子光前甫二週定邦亡

氏撫孤成立教以義方事孀姑備極孝敬家貧典釵笄以

巴陵縣志

卷之十八

列女上

七

奉甘旨孫宗清領鄉薦官甯鄉教諭卒年七十二乾隆二

十八年題允建坊

陳商書妻沈氏年十八歸陳越二載夫亡哀痛欲殉姑勸

勉之日汝夫死汝又誓死獨不念余衰爾夫乏嗣耶氏悟

遂斷髮置夫懷矢志堅守始終一致撫姪學濱為嗣紡績

奉姑姑患疽氏以口吮之得愈人稱其孝乾隆四十三年

旌表建坊

龍用周妻汪氏年十八用周亡子甫四月抱子觸棺幾死

姑勸強起營葬孝奉翁姑茹苦撫孤乾隆四十四年題允

旌表



張濱衛妻晏氏年二十而寡遺子幼氏堅貞自守事姑盡禮教子成立有司以聞乾隆四十六年 詔旌其門  
趙啟忻妻費氏年二十一夫亡子元瀛甫三歲誓志守節敬事舅姑端嚴慈惠動循禮法教子列成均歷四十餘年不易其操嘉慶五年題允建坊

張心純妻劉氏年十八歸心純越兩載夫沒無出氏矢志不二夫兄心裁爲明季諸生丁世變爲賊所掠其婦王氏生子甫二歲王亦卒劉氏大慟曰張氏止此一塊肉耳茹苦食蓼撫姪成立子孫繩繩宗祀賴以不絕氏生前明天啟閒至 國朝雍正二年卒眼觀五代守節八十餘年壽

巴陵縣志

卷之十八

列女上

八

一百零三歲

周楚問妻李氏年十九夫亡生子甫四月氏孝養翁姑教子成名卒年九十有六

生員楊世倂妾吳氏正妻喬氏無出吳年二十四世倂故遺腹生子喬與吳同志撫孤完節終身後裔孫爲械登進士吉人善慶俱領鄉薦喬年八十八終吳卒九十六歲  
羅世甯妻黃氏二十五歲而寡生子甫週氏辛勤撫孤翁姑沒葬祭合禮後子媳俱逝撫育幼孫眼觀五代壽九十  
三而卒

孫試圭妻胡氏年十九試圭早世遺孤幼翁姑憐其少欲



令改適氏誓死不二身任操作事親孝敬子孫皆成立年九十三而終

周魯侯妻余氏年二十三生子代三甫二齡魯侯沒撫子守志代三又早世媳余氏年二十四姑媳共守至老不渝姑壽九十終媳六十有五而卒

賈肇由妻李氏年二十三歸賈兩載夫亡遺一孤矢志守貞時有欲奪其志者氏斷指明心卒年八十八歲猶存斷指同瘞

羅倫敘妻何氏年二十一夫亡矢志守節事翁姑孝謹撫二子成立八十六歲完節而終

巴陵縣志

卷之十八

列女上

九

宋海安妻馮氏年十九適宋四載夫亡生子方七月氏誓死靡他色養孀姑撫孤成立守貞六十三年八十六歲卒生員李國佑妻龍氏佑沒氏年二十六無子撫繼承嗣奉養舅姑守節終身年八十六卒

許正茂妻尹氏年二十六而寡子之盛方五歲教讀入泮事翁姑以孝稱子又早世撫孫成立眼觀四代孀居五十八載卒年八十五歲

劉帝右妻吳氏年十八夫亡遺孤三歲冰霜矢志壽八十五而終

胡臣侯妻李氏年二十七而寡苦志撫嗣慈惠眾著終年



八十有五乾隆四十七年巡撫李湖給額獎之

劉添仲妻楊氏年二十六添仲亡誓志守節白首完貞壽八十四卒巡撫覺羅承德額表其閭

陳節文妻龍氏年二十七夫沒撫二歲孤子冰霜矢志終身無玷卒年八十二歲

邱涵遠妻黃氏年二十一夫亡遺腹生子永淑家赤貧有勸其改適者氏誓死不從勤苦紡織撫孤課讀子補邑庠生年八十二卒

江濟全妻李氏年二十八夫亡家貧子幼紡績度日完節終身卒年八十二歲

巴陵縣志

卷之十八

列女上

十

余合一妻熊氏翁伯勳生三子長合一次祚孕三仕爵長媳熊氏年十九歸合一僅四月夫故遺腹生子熊青年守貞誓死靡他次媳梁氏年二十四生子僅三歲祚孕亦卒翁垂暮方冀季子可依無何仕爵又亡媳滕氏年二十一子甫一週一門三寡同心勵節熊七十三歲梁七十五歲滕八十一歲俱能完節而終

李萌若妻項氏年二十四生子甫四月萌若亡氏柏舟矢志終身無瑕年八十餘卒

羅之光妻易氏年廿六而寡遺孤二長生瓊甫三齡次生材僅五月氏苦志自守撫子成立無何生材又卒妻陳氏



年二十七無子撫姪承嗣與姑易氏同矢清操易壽終八十陳年五十六歲

張綿字繼妻易氏年十八字素病輿疾親迎一夕卽亡氏欲以身殉其母守護之得免撫原配楊氏一歲子視如己出家貧紡紉自給張氏三世一孤賴撫成立諸孫多列爵序五世同堂壽八十卒

生員胡尙義妻王氏年二十二而寡矢志不二撫孤成立卒年八十歲

李百瞻妻傅氏年二十八夫亡子幼艱苦勵志清操不懈眼觀四代壽終八十歲

巴陵縣志

卷之十八

列女上

十一

許周榮妻羅氏年二十六夫亡家貧苦節至老不移卒年七十八歲

胡早秀妻吳氏年二十夫亡無子撫姪爲嗣堅貞勤樸終身不渝卒年七十八歲

朱之卓妻宋氏年二十四夫亡子甫五歲孝事兩孀姑生養死葬皆氏隻身經營守節五十四載終年七十有八

李幼安妻曹氏年二十一生子甫週卽寡矢志守貞孝事舅姑撫子成立卒年七十七歲

陳學祥妻蘇氏年二十二歲學祥卒氏柏舟自矢克盡孝養年七十七而卒



生員易經天妻杜氏年十九夫亡遺孤方襁褓矢志撫孤  
事舅姑孝謹未幾孤殤氏哀痛幾死舅姑沒葬祭盡禮全  
節終身卒年七十有六

傅會同妻張氏年二十五會同落水死撫棺悼痛哭不絕  
聲家人防閑甚密氏紿之曰吾夫未葬吾豈輕死耶強起  
殮殯越三日閉戶自經

李之經妻龍氏年二十歸李三載夫病瘵龍手進湯藥衣  
不解帶逾年夫卒哭不絕聲每囑夫弟善事姑姑防閑密  
命同寢榻甫七日夫弟之綸防守華容請嫂伴姑同往汛  
署龍以叔年壯未婚不便胞兄用華欲迎歸依嫂龍曰兄  
且旋待籌之明日我自得所矣是夜伺姑熟睡潛起檢嫁  
時衣裳更著紉固遂自縊

李士翰妻王氏年二十一適翰姑早逝翰欲謀遠賈誓無  
餘貲不返囑氏善事翁無變志王以死守對翰出十載無  
音耗王紡績事翁毫無怨對有自蜀來者云在蜀翁遣弟  
往覓無蹤王痛毀骨立誓不欲生翁憐其孤貧勸令改適  
王曰媳無子又無可繼者翁老不能養反以累翁媳籌之  
孰矣是夜卽扃戶縊死

唐嘉亨妻姚氏于歸四載年二十五夫病垂死慮姚難守  
姚誓先死以免夫慮夫止之曰我負汝汝死何益擇可託



處好自爲計姚佯應曰醫言君脈未絕另有良方服之猶可望愈也我辦藥去遂閉戶自縊後三日嘉亨亦卒  
謝搢颺妻杜氏年二十九而寡遺腹生子盛冰霜自誓教子成名守節四十八載卒年七十七歲嘉慶八年題請旌表

劉時敏妻狄氏年十八夫亡無子撫姪承嗣家貧茹苦守節六十載而終

生員趙洵妻彭氏年十八夫沒無子撫姪承嗣至老不渝年七十四而終

熊道化妻余氏年十八生子甫三歲卽寡食貧守節孝事

巴陵縣志

卷之十八

列女上

三

孀姑子復盲目而卒偕媳撫孫始終不渝卒年七十三歲生員許師禹妻吳氏年二十夫亡家貧守節有誘之改適者氏誓死明心卒完其節年七十二終

張三齊妻傅氏年十九歸張三載夫亡遺孤祖武方襁褓撫養訓讀苦節五十年壽終七十二歲子成諸生孫曾詩書繼業

白世漣妻龍氏年二十一夫亡無子繼姪應泰承祧教讀人泮旋早世孤苦守節撫孫成名年七十二而終

陳載陽妻喻氏于歸一載年十七夫卒無嗣姑憐其少命其改適氏誓不二天姑沒歸依母家紡績自給積金於葫



蘆港修橋一座行旅賴之年七十卒

生員楊善大妻陳氏夫早逝矢志不二勤苦紡績撫姪成立年七十一卒

陶經偉妻易氏年二十一夫亡撫子貞操不易後子媳相繼俱殞遺一孫氏食貧撫育克承先祀年七十一而卒

陳宗文妻李氏年十九夫喪遺孤光清甫六月氏孝養公姑喪葬盡禮子游泮旋卽早世復撫三孫長廷標亦入邑庠終身勵志壽七十一而終

傅光前妻李氏年二十四光前卒子甫週歲氏矢志靡他子復早世偕媳撫孫苦節四十七年卒時七十一歲

巴陵縣志

卷之十八

列女上

十四

監生毛廣文妻黃氏年二十而寡一子甫九月多病氏苦心調護俾至成立事舅姑以孝聞家貧毫無怨色年七十餘卒

于天祚妻彭氏年二十而寡撫子成立治家整肅卒年七十餘

周元凱繼妻陳氏年十八歸周半月夫亡氏撫原配楊氏子根苞教養成立勤紡績奉翁姑甘旨後根苞亦早世媳劉氏年二十五姑媳孀居撫孫嗣鉉嗣榮俱入邑庠氏年俱七十餘卒

原甯夏參將張震妾劉氏年二十五震卒於官屬續時囑



以青年送歸母家氏誓死靡他隨覩回里敬事大婦慈撫幼子守節終身年七十而卒

生員劉良誌妻羅氏貢生維理母童年歸劉卽得舅姑歡及婚婦道克謹良誌卒誓志撫孤家素窘氏躬親操作辛苦備嘗上供滫瀡下資膏火之費無失禮焉媳易氏早亡氏撫諸孫一如教子法次孫應槐旋補弟子員年七十卒李欽琨妻孫氏年二十夫亡無子一女僅週歲繼嗣復歿氏堅貞自守之死靡他零丁孤苦歷五十年卒年七十歲姜遇立妻鄧氏年二十夫喪無子繼姪承嗣孝事舅姑喪葬盡禮守貞五十載卒年七十歲

龍鳳廷妻徐氏年二十一夫故遺孤龍文甫二週茹苦守節子復歿與媳張氏撫孫成立徐年七十張年五十俱終劉良侃妻陶氏年二十失偶遺孤維綱僅四月氏苦志守節抱養許氏幼女爲媳同乳共哺甫完配維綱又卒與媳許氏共守堅貞食貧不懈年六十九歲而終監生許萬才妻謝氏夫故氏年二十七家貧子幼柏舟矢志皓首完貞卒年六十八歲

周開烈妻龔氏年二十六夫亡一子方四齡家貧姑瞽夫沒時深以爲慮氏誓承夫志善事瞽姑終身不懈卒年六十有八



陳公俊妻任氏年二十八而寡守節撫孤冰霜一致年六十七卒

程明厚妻胡氏年二十六夫亡冰操全節卒年六十六歲  
潘德薊妻盧氏年二十八夫亡二子俱幼氏冰雪盟心和諧妯娌詬諄不聞延師課讀子孫多列庠序年六十五而卒

夏文桂妻隋氏年十九夫亡子甫一週家極貧有勸其改適者氏謂姑在堂有子可守窮何傷後子生孫旋俱早喪撫姪承嗣卒年六十五終身完節

監生許萬瓚妻謝氏年二十七夫亡守志訓子勵學周恤

巴陵縣志

卷之十八

列女上

六

貧困自甘淡泊卒年六十五歲

易君翼妻徐氏年二十三夫卒家貧子幼茹苦堅守紡績奉姑孝養不衰子福照補弟子員督學范整給額表其門生員鄒長馭妻張氏年二十歸鄒兩載生子甫三月夫沒繼姑欲奪其志氏破面毀容斷指自誓愈盡孝敬卒成其節六十四歲而終

許忠詞妻謝氏年十九夫卒遺腹生一子氏冰雪盟心誓死不二訓子勤學年六十四完節終

生員許忠鎬妻劉氏年二十七夫亡一子甫八月氏冰兢自守訓子嚴肅年六十四卒



黃學四妻楊氏年二十四夫亡家貧無子撫姪復浚氏冰  
操自凜事舅姑備極孝養苦節四十載卒年六十四歲  
熊學淵妻易氏年二十六而寡事繼姑維謹撫子成立終  
身不渝年六十四卒

楊統妻李氏年二十五夫亡矢志不移孝事公姑喪葬盡  
禮撫子成立長子大雅列成均守貞三十八年卒時六十

三歲

監生陳科潤妻方氏年二十五夫亡矢志撫孤其姑藍氏  
亦早寡氏奉侍孝謹能得姑歡冰操共勵守節三十八年  
生員胡際明妻蔡氏夫早喪氏冰心守節孝事舅姑卒年

巴陵縣志

卷之十八

列女上

七

六十二歲白首無瑕

許忠鏞妻劉氏年二十五而寡苦節撫孤至老不易年六  
十二卒

李壽域妻張氏年二十生子九月夫亡孝事翁姑訓課孤  
子苦節艱貞終身不渝年六十二而卒

王顯貴妻向氏年二十七夫沒子甫三歲撫育成立孝事  
祖姑守節三十年

張文炳妻楊氏年十九歸張未三月夫遠出不返翁姑在  
堂氏辛苦奉養喪葬盡禮家徒四壁又無可繼者後歸居  
母家針黹度日父母亦年老無依殯葬皆氏經營孤苦終



身六十餘歲卒

宋芹波妻朱氏年二十三夫亡堅貞自守奉姑撫幼艱苦備嘗卒年六十一歲

舉人黃文炎妻方氏年二十二而寡氏誓不二天事舅姑盡禮撫孤澄德課讀有方無何澄德卒媳柳氏年甫二十遺孤方在襁一縷僅延姑媳相依冰操共矢方守節四十餘年柳年六十卒

王昌後妻楊氏年二十二夫亡氏誓不二志撫孤教讀年六十完節而終

吏員高魁妻劉氏年二十七夫亡奉姑撫幼苦節三十餘年卒年近六十

巴陵縣志

卷之十八

列女上

六

監生許忠祖妻彭氏年二十六夫故無子撫姪承嗣教之成立守節三十三年卒年五十九歲

李亞南妻陳氏年十九夫亡矢志不二撫姪承嗣家貧紡績苦節四十年卒年五十九歲

李植朝原姓蕭妻李氏夫亡時氏年二十五歲無子孝事舅姑撫姪修德爲嗣教讀入太學年六十終

余永年妻柳氏年二十二夫亡子幼守節終身  
王正君妻何氏年二十五夫亡孝事孀姑撫二子成立苦節三十二年卒年五十七歲



李世奇妻高氏年二十六夫亡矢志不渝守節三十一載  
卒年五十七歲

陳雁鳴妻姚氏年二十三雁鳴卒一子甫三齡氏堅志守  
貞清操一致五十七歲而終

張必慎妻熊氏年二十七必慎沒氏敬事高堂訓課孤子  
守志歷三十年五十七歲卒

林華文妻張氏年二十六夫亡子幼篝燈紡績伴子課讀  
後子學超補弟子員翁猶在堂奉事不懈守節逾三十年  
卒年五十七歲

王士祿妻葉氏年二十八夫亡奉親撫子孝慈兼盡卒年

巴陵縣志

卷之十八

列女上

九

五十六歲孫柏珣歲貢生

原廣西巡撫方顯妾陳氏年二十二而寡誓以身殉力勸  
乃已二親老且獨氏迎養於家終其身葬祭如子守節三  
十餘年卒年五十有四

生員彭世拔妻湯氏年二十四夫亡家貧乏嗣撫姪承祧  
年五十三完節而終

監生鄒翥妻傅氏年二十六翥亡氏守貞撫孤終身無玷  
卒年五十二歲

杜秉文妻易氏年二十七失偶上奉翁姑下撫幼子守節  
二十五年卒年五十二歲



監生閻廷淑妻黃氏性端嚴嘖笑不苟年二十四夫故矢志堅貞撫姪承祀事舅姑維謹冰操二十七年卒年五十一歲

生員趙澍妻余氏年十九夫亡無嗣僅一女苦節五十餘年完節以終

舉人彭世瑛妻李氏年二十七夫亡遺孤應銓甫七齡上事祖翁暨翁姑孝謹教子力學備極劬勞年五十卒子列明經孫昌隆亦歲貢昌運成進士官廣昌令

歐隆輝妻李氏自幼適歐二十一歲夫亡矢志守節事姑撫子年逾五十而卒

巴陵縣志

卷之十八

列女上

三

監生方善治妻黎氏年二十四夫亡撫子掄元教讀入泮治家有法夫弟君山亦早世妻黎氏年十八氏勉之曰婦人從一而終再醮是二天也孀感其言同志守貞繼姪其英俱能全節以終

陳青德妻方氏事舅姑孝敬年二十四而寡夫弟二俱幼遺孤時棟甫一歲氏茹苦撫孤暨幼叔成立教子食廩餼冰操不易完節而終

方宣綵妻唐氏年二十六夫亡子二長治次竹遺腹生撫孤守志完節而終竹歲貢生孫美棻美楨俱邑庠生

周禹廷妻楊氏年二十二夫亡苦志撫孤白首完貞守節



六十八年

李應貢妻鄒氏年十九夫亡號泣數絕欲以身殉遺子銓方襁褓族黨憐其少寡諷令再適氏截髮自誓無何銓又卒媳程氏年二十三生子正傑正偉與姑同守姑悲失壯子哀慟思死氏強爲勸慰縫紉供膳能悅姑志撫子成立長正傑入太學清操共勵人稱雙璧鄒年八十八程年六十三郡守邑令屢表其宅嘉慶八年詳題旌表

龍用緒妻張氏年二十二而寡子甫一歲矢志守節至老不渝守節六十年嘉慶七年督學何學林給額表其廬

李南穎妻王氏年二十八南穎沒家貧守志孝事繼姑持

巴陵縣志

卷之十八

列女上

三

家撫子備極艱辛守節五十四年

周廣廷妻李氏年二十八夫亡矢志撫孤歷久不渝守節五十四年

龍清河妻鄧氏年十七歸龍逾年夫亡誓死靡他子宗珀甫週歲氏辛勤撫育中年宗珀又卒偕媳李氏冰霜共守守節六十三年嘉慶八年郡守張五緯給額獎之

龍文泮妻熊氏年二十六文泮卒氏撫孤守志全節五十四年

萬允矣妻何氏年二十四生子三月夫沒矢志撫孤子媳又相繼亡鞠育幼孫孤苦勵節守節五十五年



胡輝夏妻文氏年二十夫亡無子撫姪詩秀爲嗣娶媳易氏年二十四詩秀繼沒姑媳共守文年七十三歲易亦五十有二始終不渝其姪詩錦亦旋亡姪媳程氏年僅十九生子甫六月矢志守貞歷三十年與易氏共事一姑甘旨不缺洵稱一門三節

龍用洽妻余氏年二十三夫故僅一女繼姪文絡復早世媳李氏年二十五亦無出姑媳共守復擇繼承祧余年七十八李守節三十五年

楊嗣宇妻胡氏年二十四夫亡無子撫姪承嗣孀居五十四年

監生李永汭妻方氏年十八歸李越五載夫沒遺孤方在襁氏矢志靡他有探其意者乃截髮自誓事舅姑敬執婦道祭葬合禮孤大儒列成均冰操五十年嘉慶八年題請

旌表

熊太常妻張氏年二十四夫故子昌明僅三歲翁姑憐其少欲令改適氏誓死守孝養不衰旋昌明又卒遺孤甫一週媳李氏年二十二冰霜共勵苦節三十載卒時猶以不克終養孀姑爲憾張守節五十二年李卒年五十有二人稱雙節

熊道炳妻侯氏年二十五夫亡敬事舅姑撫子成名守節



五十年

喻輝朝妻龔氏夫早世家貧苦節有欲奪其志者氏堅貞自矢終身不改其操

鄒煌言妻謝氏年二十七而寡子復瞽日氏食貧守志紡績自給守節四十七年

羅興梅妻古氏幼歸羅姑早喪事舅盡禮年二十六夫亡繼姪承祀並撫幼叔成立守節四十七年

許元吉妻黃氏年十九元吉卒奉舅姑撫幼子苦守五十四年

姜邳治妻童氏年二十四無子邳治卒撫姪爲嗣奉翁姑

巴陵縣志

卷之十八

列女上

三

克盡婦職食貧苦守四十七年

武舉許良鎧妻周氏年二十六良鎧客京師卒氏治喪畢誓以身殉姑婉勸乃解課子力學始終一致守節四十五年

職員晏續榮妻黃氏年二十四夫亡子幼氏慟不欲生因老姑在堂無伯叔可倚苦自支持清操四十餘年

鄒世宙妻李氏年二十五喪夫立志守節敬事孀姑撫子成立守節四十五年

潘麥浪妻蘇氏年二十五而寡奉姑撫幼四十五年貞操無玷



黃文謨妻張氏年二十八而寡撫二子成立長子光廷復  
早卒與媳梁氏共勵清操勤苦治家終身不渝張壽八十  
卒梁壽七十餘歲

彭濟才妻張氏年二十生子方旬日夫卒撫子成立娶媳  
又亡母子相依四十餘載

鄧崇濟妻譚氏年二十五夫亡矢志不移茹苦自甘守節  
四十五年

李秀函妻朱氏年二十八而寡甘貧守節孀居四十一年  
毫無玷缺

李銘妻張氏年二十六銘故辛勤撫孤敬事姑嫜皓首一  
巴陵縣志 卷之十八 列女上 三

致守節四十三年  
蔡植璜妻白氏夫早世家貧守志教子翼煥力學守節終  
身無玷

胡道齋妻廖氏年二十四夫卒遺子周臣甫週氏矢志撫  
孤子又早世繼撫二孫紡績自給足不踰閩守節四十四  
年

鄧鳴岐妻陳氏年二十三夫沒無子撫姪爲後守節四十  
五年

周用章妻方氏夫沒氏年二十無子撫姪復歿孝事老姑  
垂老無依歸養母家守節四十八年



吳文蔚妻李氏年十九而寡遺孤僅數月家貧守節四十九年

周南儔妻李氏年二十三南儔故家貧遺孤三月茹苦撫孤守節四十五年

許漢光妻李氏夫病篤謂之曰守與適聽卿自裁氏截髮自誓夫卒事上撫幼食貧自守年六十八歲

傅才妻陳氏年二十夫故苦節撫孤守節五十年

葛興蛟妻周氏年二十二夫故無出矢志靡他繼夫弟興觀次子爲後興觀又卒妻鄭氏年二十五孀居撫孤妯娌共勵白首完貞周年七十九鄭年六十八歲

巴陵縣志

卷之十八

列女上

三

何興瑤妻龔氏年二十一生子未週夫棄世家貧撫孤守節四十六年

熊秉尊妻蘇氏夫亡時氏年二十二家貧無子誓不二天撫姪承祀守節四十四年

李長泰妻陳氏年十八歸陳一載生子不育夫家貧遠傭客死於外氏哀慟幾死時年二十三歸依父兄紡績度日苦節六十六年

鄒希孔妻毛氏年二十八夫卒守節孝事瞽姑未嘗稍懈守節三十八年

趙明魁妻潘氏年二十八而寡子甫二歲氏上事舅姑下



撫幼子孀居三十六年

任正國母李氏年二十五夫沒家貧矢志至老靡他守節四十年

周宗岐妻劉氏年二十六而寡遺孤嗣璉僅六月氏事姑暨祖姑維謹撫子成立守節三十九年

楊學秀妻劉氏年二十七夫棄世誓不再醮撫二子成立守節三十八年

蔣慎欽妻許氏年二十一夫亡無子撫姪希關爲嗣苦節四十四載

劉鯤妻李氏年二十六夫亡子甫五齡氏立志不二守節

巴陵縣志

卷之十八

列女上

三

三十八年

胡渭光妻楊氏夫早世青年撫孤垂老一致卒年六十四歲

周鐘音妻劉氏年二十五而寡立志撫孤守節三十九年

陳任夫妻張氏年二十八夫亡子清榜甫六月氏矢志靡他清榜入太學旋卽早世與媳李氏共守堅貞撫孫成名

俱以節終

廖濟渙繼妻王氏年十九夫卒矢志冰霜撫前室子如己出督耕課讀慈嚴並濟守節四十五年

孫文舉妻劉氏年十七歸孫夫以勤學致疾氏奉湯藥兩



載無倦容夫卒清操自勵撫姪承嗣守節四十六年

周嗣錦妻許氏年十八歸錦越四載夫亡子清甫三月氏事祖姑暨翁姑孝敬教子力學成諸生守節四十載嘉慶八年題請旌表

高則召妻王氏召以攻苦致疾卒氏年甫二十遺孤方九月氏哀毀欲殉翁姑婉諭之乃止族鄰有探其意者輒截髮明志食貧守貞事翁姑孝謹姑嘗謂人曰吾有婦恆不覺其無子也翁姑沒葬祭合禮教子銘几成名守節四十三年

黃時六妻胡氏年二十三而寡矢志守貞上奉舅姑下撫

巴陵縣志

卷之十八

列女上

三

幼子苦節三十八年

徐超鴻妻李氏年二十一而寡家貧子幼誓死靡他事姑盡禮守節四十年

王國光妻胡氏年二十九夫亡逾月遺腹生子奉姑撫子守節三十二年

周開材妻方氏年二十七材卒遺孤又歿撫姪晃承祧教讀入成均守節三十四年

李永拔妻張氏年二十五永拔亡撫孤守志辛勤自持守節三十六年

余載遠妻喬氏年二十七夫卒孝事舅姑撫子成立守節



三十四年

張光福妻孫氏年二十二生子方七日夫亡茹苦守節三十九年

傅文勝妻毛氏年二十六夫亡一子甫五歲家貧苦節三十四年

傅文秀妻張氏年二十五夫亡遺孤甫二週越一載孤復歿恩撫嗣子堅勵清操孀居四十餘年

貢生張勝燦妻趙氏夫早世奉姑孝謹教子應恩勤學守節二十餘年

任炳南妻童氏年十九夫故子又歿氏矢志守節繼嗣承

巴陵縣志

卷之十八

列女上

三

桃孀居四十一年

李采五妻方氏年二十九而寡撫孤守節三十一年

彭兆唐妻余氏年二十六而寡守節撫子子師瑗又卒媳費氏奉養孀姑共誓柏舟余年七十餘費年六十餘

費先訓妻何氏年二十一先訓卒氏甘心貧苦至老不渝守節三十九年

熊應運妻柳氏年二十二夫亡遺孤大琛甫六月堅勵冰操善事翁姑訓子入泮守節三十八年

李鳳妻瞿氏年二十五而寡奉孤撫子勤勞治家守節三十五年



潘鳴九妻梁氏年二十六而寡孝事舅姑撫子成立守節三十四年

鄒祖純妻李氏年二十夫亡奉姑撫子苦節四十年

許萬位妻胡氏年二十八夫故矢志撫子蠶織自給守節三十二年

許忠純妻謝氏年二十六夫沒矢志不移事姑孝謹課子力學守節三十四年

昭文主簿劉朝宗繼妻吳氏知書明大義朝宗卒於官氏年二十一扶櫬歸里矢志不二撫前室子如己出每舉列女傳以爲閨訓守節三十九年

巴陵縣志

卷之十八

列女上

三

陶宣廷繼妻王氏年二十四夫亡撫孤守節三十六年

監生熊宗山妻朱氏年二十八宗山故無子撫姪承嗣守節三十二年

林欽文妻蘇氏年十九夫亡無子撫姪承嗣奉事孀姑冰霜自矢守志四十一年

李本弼妻龔氏年二十六夫亡撫二齡遺孤守節三十五年

柳錦乾妻李氏年十六適乾一載而寡無出姑羅氏在堂冀夫兄錦秀生子可繼秀生子洪緒娶李氏年十五甫數月緒卽亡秀因娶妾王氏年十七方期有出兄弟皆有嗣



亡何秀染痰疾逾月亦卒時姑年八十四三氏同志守貞  
紡績奉姑乾妻年六十秀妾年四十八緒妻年四十七一  
門三寡兩代孀居里黨憐之

李其傑妻賈氏年二十七夫亡守節三十年

吳展能妻周氏年二十八夫故遺孤六月氏奉姑撫幼守  
節三十一年郡守張五緯給額表其閭

周受若妻楊氏年十七歸周兩載夫亡撫六月孤至九歲  
復歿矢志守貞孤苦四十一載嘉慶五年邑令王有年給  
額旌之

廖師夏妻張氏年二十六夫卒無子翁姑皆早逝熒熒無

巴陵縣志

卷之十八

列女上

三

依食苦自甘終始不渝守節三十二年

監生劉通觀妻夏氏二十八歲通觀沒撫孤守節二十九  
年

高承圭妻李氏年二十三夫亡矢志撫孤事孀姑暨祖姑  
孝謹守節三十四年

黃光前妻李氏年二十四夫亡遺腹生子梧鳳氏誓不二  
適事翁姑撫幼子孝慈兼著守節三十三年教子成諸生  
劉德讓妻李氏年二十一德讓早世無子撫姪爲嗣守節  
三十六年冰操一致

張人偉妻龍氏年二十三夫溺死子方襁褓夫弟二俱幼



氏食貧撫孤暨兩幼叔守節三十四年

張世訓妻熊氏夫沒氏年十八遺腹生子繼姑欲奪其志氏誓不再醮清操自勵守節三十八年

王大新妻汪氏年二十三夫亡無子撫姪承嗣教讀成立事姑以孝聞守節三十三年

李宏詠妻劉氏年二十二于歸兩載夫故僅遺一女撫姪爲嗣守節三十四年

任五溪妻劉氏年二十二夫亡遺孤甫數月孝事孀姑撫子成立守節三十三年

徐德厚母周氏年二十四夫亡遺腹生子家貧守節三十

巴陵縣志

卷之十八

列女上

三

二年

馮輝魯妻陳氏年二十四夫亡乏嗣撫姪承祀事翁姑盡禮守節三十二年

劉賓九妻方氏翁漢徵無子撫姪賓九爲嗣漢徵沒賓九繼歿氏年二十僅一女姑媳共守復撫堂姪承祧守節三

十五年

周品瓊妻許氏年二十六夫亡翁姑早喪氏矢志撫孤暨二幼叔勤苦紡績守節二十九年

何鉅榮妻陳氏年十八而寡遺腹生子冰操不二奉翁撫孤紡績是勤守節三十七年



生員許良佐妻謝氏年二十八而寡守節撫孤至老不移  
守節二十七年

生員姜遇翥妻李氏年二十六夫逝無子撫姪承祀孤苦  
守節二十九年

王春元妻張氏年二十五夫故撫姪承祧守節二十九年  
方德錦妻易氏年十九適方一載夫亡無子撫繼承祧守  
節三十五年

隋奕賓妻萬氏年二十三歲夫亡勤苦守節孀居三十一  
年

彭訓南妻陳氏年二十五訓南卒撫週歲孤矢志守節二

巴陵縣志

卷之十八

列女上

三

十九年

許萬俊繼妻劉氏年十八夫亡前室子方四歲氏辛勤撫  
育愛如己出守節三十六年

蕭天榮妻盧氏年二十三夫沒孝事祖姑暨公姑下撫幼  
叔遺子均賴成立孀居三十二年

閻官德妻李氏夫卒年甫二十家貧撫孤守節三十四年  
楊善輝妻劉氏年二十七夫亡遺孤甫五齡守節二十七  
年

郭如松妻周氏年二十四而寡清操自矢撫孤成立守節  
二十九年



周秉鈞妻孫氏年二十一夫卒撫二歲孤矢志不移事孀姑孝養不衰守節三十二年

王文照妻李氏年二十三而寡一子僅三歲家貧撫孤苦節三十年

李振幹妻盧氏年二十夫亡無子撫姪奇世承嗣教讀入泮守志三十二年

李韶山妻張氏年十九而寡奉姑撫姪承嗣守節三十三年

楊國忠妻馮氏年二十二夫亡逾月生一女矢志不二孤守三十年撫姪家萱承祧

巴陵縣志

卷之十八

列女上

三

李顯敏妻劉氏年二十二夫亡無子苦節三十年

易坤禮妻韓氏年二十而寡無子堅貞自矢杜門織紵撫姪承祧守節三十二年

趙文綺妻韓氏年二十而寡子甫兩月孀居撫孤守節三十二年

唐承智妻文氏年二十一夫亡食貧守節三十一年

羅聚簾妻歐氏年二十五夫亡矢志守節二十六年

彭德銘妻袁氏年二十四夫故無嗣撫姪承祀守節二十七年

彭星言妻龍氏年十九夫亡苦節三十二年



周遐齡妻陶氏年二十二夫亡三月遺腹生子勤勞奉姑  
撫子成立守節二十九年

任揚烈妻葉氏年二十四夫故生子未一週食貧守節二  
十七年

傅榮章妻杜氏年二十一而寡撫孤守節三十年

張祖彝妻熊氏年二十夫亡生子甫七日氏柏舟矢節翁  
萬書以孝廉教讀里中家故貧繼姑復瞽氏敬執婦道紡  
績撫孤後翁官屏南令歸氏年已五十晨昏之奉必躬必  
親鄉里稱之

陳學漣妻李氏年二十五夫亡冰霜自守教子同杰入郡  
巴陵縣志卷之十八 列女上 十四

庠守節二十五年

監生龍綬妻張氏年二十八夫卒撫孤教讀食貧自甘貞  
操三十餘年

劉唐柱妻黃氏夫亡氏年二十立志守節三十年

鄧止淵妻高氏年二十四夫亡奉姑撫子垂老不渝守節  
二十六年

方紹夔妻許氏年二十夫亡子甫一週守節三十年

潘再奇妻張氏年二十夫游外沒一子甫歲餘家貧勵節  
子復得廢疾紡績自給孀居三十年

許同拔妻王氏年十九夫亡守節三十一年



胡天晟妻任氏年二十八而寡辛勤守節二十二年

陳允執妻姚氏年二十六夫亡矢志守節二十四年

胡達權妻李氏年二十五夫亡一子甫成立旋早世遺腹  
生孫與媳孤苦共守至老不渝

王加富妻向氏年二十夫亡撫孤冰操三十載事翁姑孝  
謹嘉慶八年郡守張五緯旌其門

生員劉卿襄妻丁氏年二十五夫亡撫孤守節孀居五十  
年清操無玷

徐維新妻李氏年二十二夫亡奉姑教子守節三十年

吳道光妻劉氏年十九歸吳生子甫一週撫子守節至老

巴陵縣志

卷之十八

列女上

三

不渝

陳同煥妻姜氏年二十一夫亡遺腹生子矢志撫孤翁姑  
慮其少寡氏截髮明志守節三十年

方宣綺妻盧氏二十四而寡姑亡事舅盡禮夫從兄季弟  
夫婦皆早卒氏撫諸姪如己出教子頤入郡庠全節以終  
費九世妻何氏年二十四夫亡柏舟自矢姑彭氏早故事  
繼姑克盡孝敬教子入成均嘉慶八年郡守汪泮邑令莊  
繩武俱表之以額

王天柱妻龍氏夫早世撫週歲孤振鳳成立娶媳韓氏振  
鳳旋卒遺腹生子姑媳相依爲命共育遺孤清操不渝



任邦富妻毛氏年二十一歸任兩載夫亡遺腹生子守節二十餘年

陳期懋妻陶氏性端淑事翁姑孝謹期懋勤學致疾卒氏年甫二十矢志撫孤無何二子皆殤氏慘慟幾死撫姪志均爲嗣視如己出教讀入成均以節終

監生熊奎蕃側室汪氏奎與嫡妻相繼早世氏年二十四遺二子長甫二週次遺腹生撫養教讀克盡婦道以節終陳光照妻汪氏年二十夫沒生子甫七月矢志守貞撫孤成立以節終

黃世達妻張氏世達苦學早卒氏年二十五矢志守節奉  
巴陵縣志 卷之十八 列女上 三  
姑教子以節終

張友孟妻蘇氏年二十而寡撫子希旦甫成立旋早世與媳夏氏同守冰操孤苦六十餘載

劉天申妻李氏年二十一生子甫一月夫卒苦志撫孤守節三十年子德榜入太學

龍蓋凡妻楊氏夫早世辛勤撫孤至老不渝守志四十二年

劉德松妻車氏于歸一載生子經盛甫七月夫沒氏甘貧自守上事祖姑暨公姑維謹無何經盛又卒零丁孤苦孀居三十一載



龍左井妻顏氏年十九夫亡青年守節撫孤成立孀居五  
十一年

陳祖衡妻許氏年二十一適陳兩載夫亡遺腹生子堅貞  
自矢撫孤成立守節四十三年

周建萬妻潘氏年二十六而寡子甫三齡奉養舅姑撫子  
成立苦節四十二年

李英妻傅氏年二十七夫亡家貧子幼勤苦自給守節三  
十八載

宋清權妻袁氏年二十六夫故矢志守節終身無瑕  
李象義妻顏氏年二十六而寡孀居三十一年

巴陵縣志

卷之十八

列女上

三

周宗仁妻柯氏年二十二宗仁沒氏誓志不二以節終

夏國忠妻蘇氏年二十一國忠亡奉姑撫子以節終

鄭世珩妻梁氏年二十夫亡生子僅數月以節終

劉東秀妻李氏年二十二而寡勵志撫孤以節終

張啟甲妻趙氏年十九夫亡日生一子家貧苦節終身

彭應高妻高氏年十九夫亡無子奉養翁姑紡績自贍守

節二十八年

鄧復勝妻熊氏早歲夫亡矢志靡他撫孤教讀以節終

姜廷詔妻蔣氏年二十夫亡無子撫姪承祧以節終

監生許忠大妻方氏年二十二而寡守節撫子妾王氏遺



腹生子氏一體教育均以節終

盧之杏妻許氏事姑孝夫亡年甫十七無子悲痛欲殉姑曰其若吾老病何乃止杜門屏息冰霜自勵以節終

胡文璜妻文氏年二十夫亡無出撫姪爲嗣延師訓讀以節終

傅加祿妻林氏夫逝守節至老不渝捐修橋梁里黨稱之

傅慶銘妻姚氏夫早逝矢志守節謹事翁姑至老不懈

萬熙相妻楊氏年二十八夫故遺子邦襄甫十齡旋歿繼姪承祀辛勤守節五十餘年白首無玷

張德爵妻賀氏年十八夫故無子矢志守節家貧晝夜紡

巴陵縣志 卷之十八 列女上

三

織以養翁姑姑恆病服侍不少衰迨後有田二三畝乃立

姪爲後里人競稱頌之氏生乾隆二十八年卒道光十二年七十嘉慶八年縣修志氏年纔四十一採訪者入之

太守張五緯給額曰節孝凜然

張貞女張邦柱女許字熊宗輔年二十未婚而宗輔死女素服奔喪敬事舅姑躬親井臼撫姪岳蕃承夫祀乾隆五

十三年 旌

李三姑李四華女四華以三姑許臨湘某爲妾三姑不從遂終身不嫁

舊志載楊翔鳳貞女傳李三姑本何氏女父顯祖官山西忻州知州顯祖死王事妻改適鹽運大使李四華攜



三女一子  
同歸李氏

傅新香傅然聖之女許字未嫁而夫死誓不再配卒年七十六歲

傅清姑監生傅端位之女知書明大義未字父早卒矢志奉母極盡孝敬卒年六十五

馮貞女馮獻武女許字李祥福年十四未婚祥福遠出矢志待夫就養夫家夫終不返父母欲奪其志誓死守卒年四十

蔣四姑蔣翰之女許字方宣燈未嫁宣燈遠出不歸女誓不改字父母早亡撫諸弱弟及諸姪備極辛勤守貞四十年

巴陵縣志

卷之十八

列女上

三

年

趙貞女趙文興女許字姜廷瑜未婚而瑜歿女年十四聞訃匍匐夫家撫姪承祀守貞三十餘年

許誠亮妻李氏翁老病篤誠亮醫卜皆窮李割股和藥以進翁是夕夢神賜藥詰朝病遂起

涂林耀妻何氏林耀患血病醫治罔效何割股和藥以進病良已郡守田爾易邑令武聯聲均獎以詩

趙禹梓妻王氏禹梓早卒與姑共孀居姑病危醫藥罔效王痛切刀割股姑病尋愈王年八十乃卒

方城妻吳氏家貧生子不育夫病篤吳割股和羹以進夫



卒吳年二十四矢志奉姑姑病醫藥罔效復割股進姑撫  
姪爲嗣守節四十三年

宋師學妻熊氏夫早死姑性潔善病每臥不起熊以口進  
食姑患瀉晝夜數十行熊以手盛之不令污牀褥紡績供  
膳姑得頤壽終

庠生白光震妻董氏夫亡遺一子復歿撫姪爲後改葬舅  
姑及夫墳建祠廬墓朝夕奉祀督學吳省蘭給額獎之

監生李炳妻蔣氏柔順明大義姑病廢舉止需人躬侍湯  
藥三年不倦年四十五卒

劉顯宗妻連氏姑病割股和藥以愈姑疾年六十四歲卒

巴陵縣志

卷之十八

列女上

罕

凡舊志所載節烈貞孝均經同治五年彙題請 旌

補錄

劉聖臣妻何氏早寡季父欲奪其志投繯幾絕以姑救得  
免事姑孝十七年如一日

李大榮妻方氏子載彥妻方氏皆年少守節嘉慶二十二  
年同旌庚辰通志

照磨張啟延妻費氏張啟第妻潘氏皆年少守節嘉慶二  
十四年同旌庚辰通志

廖勝靈妻方氏乾隆四十三年饑易簪珥以活貧人族子  
有病者收養之癸亥志